



Informativni list - Prekoračenje po tekućem računu

Intesa Sanpaolo Banka d.d. BiH /u daljem tekstu: Banka/, Milana Preloga
12A, 71000 Sarajevo, BiH

Ime i prezime, (u daljem tekstu Vlasnika računa), .

1. Karakteristike proizvoda

1.1. Vrsta računa: **Tekući račun**

1.2. Visina redovnog dopuštenog prekoračenja:

Visina dodatnog dopuštenog prekoračenja iznosi 2/3 visine redovnog dopuštenog prekoračenja po tekućem računu.

1.3. Valuta: KM

1.4. Prekoračenje po tekućem računu:

Prekoračenje po tekućem računu se sastoji od redovnog i dodatnog dopuštenog prekoračenja po tekućem računu.

Visina redovnog dopuštenog prekoračenja definisana u tački 1.2. se određuje na osnovu podataka navedenih na Zahtjevu klijenta, a koji se odnose na visinu redovnih primanja i mjesečnih obustava. Maksimalni iznos odobrenog limita po redovnom dopuštenom prekoračenju po tekućem računu iznosi 10.000,00 KM.

Iznos odobrenog limita po dodatnom dopuštenom prekoračenju po tekućem računu iznosi dvije trećine redovnog dopuštenog prekoračenja po tekućem računu a maksimalno do iznosa 6.700,00 KM.

Vlasnik računa je saglasan da iznos raspoloživog redovnog dopuštenog prekoračenja naveden u tački 1.2. može biti i manji od navedenog, ukoliko se utvrdi da visina redovnog primanja, koja je uplaćena na tekući račun klijenta, ne odgovara navodima na Zahtjevu klijenta. U ovom slučaju, visina redovnog dopuštenog prekoračenja se odobrava u skladu sa visinom priliva uplaćenim na tekući račun klijenta. Iznos prekoračenja se određuje prema važećoj metodologiji banke za izračun prekoračenja po tekućem računu.

Pod redovnim primanjima klijenta se smatra lični dohodak, topli obrok, naknada za prevoz, penzija i invalidnina.

Na pismeni Zahtjev klijenta, odobreno redovno dopušteno prekoračenje se može povećati na iznos veći od navedenog u tački 1.2. odnosno u tački 1.4, a u skladu sa važećom metodologijom banke za izračun prekoračenja po tekućem računu. Redovno dopušteno prekoračenje omogućava Vlasniku računa da koristi raspoloživa sredstva na tekućem računu bez ograničenja do iznosa redovnog dopuštenog prekoračenja po tekućem računu odobrenog od strane Banke.

Dodatno dopušteno prekoračenje, u iznosu dvije trećine redovnog dopuštenog prekoračenja, omogućava Vlasniku računa korištenje Visa debitne kartice za beskamatno:

-plaćanje do 12 (dvanaest) rata kod ovlaštenih trgovaca putem POS mreže Banke (Osnovni i/ili dodatni korisnik),

-podizanje sredstava do 12 (dvanaest) rata na POS uređajima u svim poslovnica Intesa Sanpaolo Banke i na bankomatima Banke u Bosni i Hercegovini (Osnovni i/ili dodatni korisnik);

-plaćanje do 12 (dvanaest) rata putem SMS poruke na POS mreži druge banke u zemlji i inostranstvu (Osnovni korisnik) uz naknadu navedenu u članu 1.13. ovog informativnog lista.

Banka ne preuzima odgovornost za slučajeve u kojima korisnik bankovne kartice ne može izvršiti podjelu kupovine na rate putem SMS poruke zbog smetnji u telekomunikacijskim kanalima ili zbog drugih okolnosti na koje Banka ne može uticati, posebno u slučajevima više sile, te u slučajevima ispadanja elektroenergetskog sistema odnosno pada telekomunikacijskih kanala.

1.5.Ovim Informativnim listom se preciziraju uslovi ugovaranja i korištenja:

-Ugovora o redovnom dopuštenom prekoračenju po tekućem računu

-Ugovora o dodatnom dopuštenom prekoračenju po tekućem računu

Banka omogućava klijentu korištenje prekoračenja po tekućem računu temeljem zaključenih Ugovora o redovnom dopuštenom prekoračenju po tekućem računu i Ugovora o dodatnom dopuštenom prekoračenju po tekućem računu.

1.6.Ugovore s Bankom sklapa Vlasnik računa u domicilnoj valuti. Sklapanjem Ugovora, ugovorne strane prihvataju prava i obaveze iz Ugovora, a sve kasnije izmjene i dopune Ugovora provest će se u skladu sa zakonom.

1.7.Banka može bez posebnog obrazloženja odbiti zahtjev za odobravanje prekoračenja po tekućem računu, fizičkom licu koje je neuredno poslovalo po ranije otvorenom tekućem računu, drugim računima u Banci kao i po računima u drugim bankama.Banka može bez posebnog razloga odbiti odobrenje prekoračenja po tekućem računu onim klijentima koji na dan podnošenja zahtjeva za odobrenje prekoračenja po tekućem računu imaju prema Banci nepodmirene obaveze po bilo kojoj osnovi.

Vlasnik računa (Korisnik prekoračenja po tekućem računu) ima pravo da u toku procjene njegove kreditne sposobnosti besplatno dobije obavijest o rezultatima uvida u baze podataka.

1.8.Banka je dužna kontinuirano vršiti procjenu kreditne sposobnosti korisnika Kredita tokom otplate potraživanja, primjenom internih metodologija i svih relevantnih podataka (pored redovnosti plaćanja) a koji utječu na značajno povećanje kreditnog rizika i status neizmirenja obaveza te ažuriranja relevantnih registara kredita. Banka koristi i ostale indikatore za utvrđivanje značajnog povećanja kreditnog rizika, te na temelju istih može rasporediti korisnika Kredita u lošiju kategoriju kreditnog rizika.

Korisnik kredita ima pravo da na vlastiti zahtjev i bez naknade dobije detaljnu informaciju o rezultatima procjene na temelju koje je Banka donijela Odluku o promjeni kategorije kreditnog rizika.

Izloženosti raspoređene u nivo kreditnog rizika 2 mogu se rasporediti u nivo kreditnog rizika 1 samo kada su ispunjeni sljedeći uslovi:

a)kada su svi razlozi koji su ukazivali na značajno povećanje kreditnog rizika prestali da postoje i

b)kada je dužnik tokom definiranog perioda oporavka kontinuirano dokazivao urednost u otplati, i to:

1)za restrukturirane izloženosti koje su u trenutku restrukturiranja bile raspoređene u nivo kreditnog rizika 2 u toku šest mjeseci od datuma restrukturiranja,

2)za restrukturirane izloženosti koje su u trenutku restrukturiranja bile raspoređene u nivo kreditnog rizika 3 u toku 24 mjeseca od datuma raspoređivanja u nivo kreditnog rizika 2. U suprotnom, restrukturirana izloženost se ponovo raspoređuje u nivo kreditnog rizika 3.

3)za nerestrukturirane izloženosti u toku tri mjeseca od datuma kada su prestali svi razlozi koji ukazuju na značajno povećanje kreditnog rizika.

Izloženosti raspoređene u nivo kreditnog rizika 3 mogu se rasporediti u nivo kreditnog rizika 2 samo kada su ispunjeni sljedeći uslovi:

a)kada su svi uslovi za status neizmirenja obaveza prestali da budu primjenjivi i

b)kada je dužnik tokom definiranog perioda oporavka kontinuirano dokazivao urednost u otplati i to:

1)za restrukturirane izloženosti i POCI imovinu u toku 12 mjeseci od datuma restrukturiranja, odnosno prilikom početnog priznavanja POCI imovine,

2)za nerestrukturirane izloženosti u toku šest mjeseci od datuma kada je prestalo ispunjavanje uslova za status neizmirenja obaveza.

1.9.Ugovor o redovnom dopuštenom prekoračenju po tekućem računu i Ugovor o dodatnom dopuštenom prekoračenju po tekućem računu (dalje u tekstu zajedno: Ugovor o prekoračenju po tekućem računu) se sklapa

na rok od 12 (dvanaest) mjeseci i automatski se obnavlja na isti period u skladu sa urednošću poslovanja po računu.

1.10. Radi osiguranja plaćanja potraživanja po osnovu redovnog dopuštenog prekoračenja po tekućem računu Vlasnik računa uručuje Banci 2 (dvije) bjanko mjenice i mjenične izjave potpisane od Vlasnika računa kojim ovlašćuje Banku da uručene mjenice može u svako doba ispuniti, po svojoj volji domicilirati i učiniti dospjelima na iznos nenaplaćenih potraživanja, te tražiti naplatu putem nadležnog suda. Radi osiguranja plaćanja potraživanja po osnovu dodatnog dopuštenog prekoračenja po tekućem računu Vlasnik računa uručuje Banci dodatno još 2 (dvije) bjanko mjenice i mjenične izjave potpisane od Vlasnika računa kojim ovlašćuje Banku da uručene mjenice može u svako doba ispuniti, po svojoj volji domicilirati i učiniti dospjelima na iznos nenaplaćenih potraživanja, te tražiti naplatu putem nadležnog suda. Vlasnik računa odriče se bilo kojeg prigovora po osnovi uručene mjenice, a posebno prigovora neprimljene valute. Sredstva na računu redovnog i dodatnog dopuštenog prekoračenja po tekućem računu su raspoloživa Vlasniku računa u visini trenutno raspoloživog stanja. Ostali detalji o korištenju redovnog i dodatnog dopuštenog prekoračenja po tekućem računu dati su u Opštim uslovima poslovanja sa stanovništvom po tekućim, žiro i deviznim računima, koji su prezentovani Vlasniku računa i dostupni u poslovnica banki kao i na zvaničnoj web stranici banke www.intesasanapalobanka.ba.

1.11. Visina nominalne kamatne stope na iznos iskorištenog redovnog dopuštenog prekoračenja po tekućem računu iznosi 15,99 % godišnje, fiksna kamatna stopa. Kamata se izračunava na osnovu stvarnog broja dana u godini (365/366 godišnje) primjenom konformne metode i dekurzivnog načina obračuna.

Efektivna kamatna stopa (EKS) iznosi 15,99%. Efektivna kamatna stopa jednaka je nominalnoj kamatnoj stopi za prekoračenja ugovorena na teritoriji Federacije Bosne i Hercegovine. Za prekoračenja ugovorena na teritoriji Republike Srpske, efektivna kamatna stopa se računa u skladu sa važećim propisima i prikazana je u Otplatnom planu za prekoračenja koji je sastavni i neodvojivi dio Informativnog lista i koji se uručuje Vlasniku računa prilikom njegovog zaključivanja. Na iznos iskorištenog redovnog dopuštenog prekoračenja po tekućem računu, kamata se obračunava i pripisuje na kraju svakog mjeseca. Obračunata kamata se knjiži i naplaćuje na teret tekućeg računa.

1.11. Visina nominalne kamatne stope na iznos iskorištenog dodatnog dopuštenog prekoračenja po tekućem računu iznosi 0,00% fiksno. Efektivna kamatna stopa (EKS) iznosi 0,00%. Efektivna kamatna stopa jednaka je nominalnoj kamatnoj stopi.

Povrat sredstava dodatnog dopuštenog prekoračenja:

-Prva rata dospijeva mjesec dana nakon transakcije kupovine ili podizanja sredstava, odnosno Vlasnik računa ima mjesec dana grace perioda do naplate prve rate.

-Uplata rate po dodatnom dopuštenom prekoračenju po tekućem računu vrši se isključivo sa tekućeg računa (maksimalno do iznosa dozvoljenog redovnog dopuštenog prekoračenja po tekućem računu) i naplata obaveza po dodatnom dopuštenom prekoračenju po tekućem računu ne smije dovesti tekući račun u nedozvoljeno prekoračenje.

-Ukoliko Vlasnik/opunomoćenik računa ne uplati dospijele obaveze (rate) po dodatnom dopuštenom prekoračenju po tekućem računu u roku od 5 (pet) dana od datuma dospijeća Banka će blokirati tekući račun Vlasnika računa.

-Nakon što Vlasnik računa izmiri dospjele obaveze zajedno sa obračunatom naknadom za blokadu računa, Banka će tekući račun Vlasnika računa automatski deblokirati.

1.13. Banka ima pravo na dospjele, nepodmirene obaveze iz Ugovora o redovnom dopuštenom prekoračenju po tekućem računu, za period zakašnjenja ispunjenja obaveza po Ugovoru, obračunati i naplatiti ugovorenu kamatnu stopu iz tačke 1.11. ovog Informativnog lista, pod uslovima i na način definisan tačkom 1.11. ovog Informativnog lista. Obračunati iznos kamate iz tačke 1.11. uvećava iznos dospjelog

mjesečnog potraživanja, odnosno uvećava iznos eventualnog neplaćenog dospjelog dugovanja iz prethodnih obračunskih perioda. Kamata iz tačke 1.11. se obračunava i naplaćuje u domicilnoj valuti. Ako za vrijeme trajanja Ugovora o redovnom dopuštenom prekoračenju po tekućem računu, dođe do smanjenja stope ugovorene kamate iz tačke 1.11. ovog Informativnog lista, ispod stope zakonske zatezne kamate, u tom slučaju na dospjele, nepodmirene obaveze iz ovog Ugovora Banka će obračunavati i naplaćivati zateznu kamatu (kamat po dospijeću) u visini od 10%, na godišnjem nivou. Zatezna kamata je promjenjiva u skladu sa važećim propisima o zateznoj kamati, a izračunava se na osnovu stvarnog broja dana u godini (365/366 godišnje) primjenom komforne metode i dekurzivnog načina obračuna. U slučaju da dođe do promjene propisa o zateznoj kamati na nivou entiteta na klijenta će se primjenjivati stopa zatezne kamate iz entitetskog zakona koja je povoljnija za klijenta. Na dospjele, nepodmirene obaveze iz Ugovora o dodatnom dopuštenom prekoračenju po tekućem računu, Banka će obračunavati i naplaćivati zateznu kamatu (kamat po dospijeću) u visini od 10%, na godišnjem nivou. Zatezna kamata je promjenjiva u skladu sa važećim propisima o zateznoj kamati, a izračunava na osnovu stvarnog broja dana u godini (365/366 godišnje) primjenom komforne metode i dekurzivnog načina obračuna. U slučaju da dođe do promjene propisa o zateznoj kamati na nivou entiteta na klijenta će se primjenjivati stopa zatezne kamate iz entitetskog zakona koja je povoljnija za klijenta.

Obračunati iznos zatezne kamate uvećava iznos dospjelog mjesečnog potraživanja, odnosno uvećava iznos eventualnog neplaćenog dospjelog dugovanja iz prethodnih obračunskih perioda.

Zatezna kamata obračunava se i naplaćuje u domicilnoj valuti

1.14. Pregled naknada i provizija koje Banka naplaćuje za tekući račun i dopušteno prekoračenje a koje mogu pasti na teret Vlasnika računa su:

-naknada za vođenje tekućeg računa - mjesečna naknada u iznosu od 3,99 KM;

-naknada za izradu i slanje mjesečnog izvoda (e-mailom ili poštom) – bez naknade;

-naknada za izradu i slanje izvoda na poseban zahtjev klijenta u iznosu od 2,00 KM;

-naknada za slanje opomene – bez naknade;

-naknada za blokadu računa po osnovu dugovanja u Banci ili na zahtjev Vlasnika računa – u iznosu od 5,00 KM;

-naknada za godišnje obnavljanje redovnog prekoračenja po tekućem računu u iznosu od 10,00 KM;

-naknada za transakcije isplate gotovine iz dodatnog dopuštenog prekoračenja na POS uređajima u svim poslovnica Banki i na bankomatima Banke u BiH – 11,00% od iznosa transakcije;

-naknada za VISA debitne transakcije na rate putem SMS poruke (POS druge banke) iz sredstava dodatnog dopuštenog prekoračenja-6,00 % od iznosa transakcije;

-naknada za izdavanje CRK izvještaja Vlasniku računa za potrebe analize odobravanja prvog redovnog prekoračenja po tekućem računu u iznosu od 1,50 KM.

-Naknada za izdavanje CRK izvještaja se ne naplaćuje u organizacionim djelovima Banke koji posluju na teritoriji Republike Srpske;

-naknada za izdavanje CRK izvještaja u slučaju odbijanja zahtjeva – bez naknade;

-povećanje iznosa redovnog prekoračenja na zahtjev klijenta u iznosu od 20,00 KM;

-odustanak od kredita/prekoračenja po tekućem računu – bez naknade;

-naknada za godišnju članarinu za VISA Inspire debitnu karticu u iznosu od 12,00 KM za Osnovnog korisnika, odnosno 7,00 KM za svakog dodatnog korisnika kartice;

-naknada za godišnju članarinu za VISA Platinum debitnu karticu u iznosu od 100,00 KM za osnovnog korisnika, odnosno 50,00 KM za svakog dodatnog korisnika kartice.

-naknada za izvanredno izdavanje debitne kartice ili PIN-a u iznosu od 10,00 KM;

-naknada za transakcije isplate gotovine na bankomatima ili POS uređajima Banke u BiH – bez naknade;

-naknada za podizanje gotovine debitnom karticom Banke na bankomatima i POS uređajima drugih banaka u BiH– 1,50% + 15,00 KM;

-naknada za podizanje gotovine debitnom karticom na isplatnim mjestima u inostranstvu (POS i bankomati)- 1,50% + 15,00 KM;

-naknada za podizanje gotovine VISA debitnom karticom na bankomatima članica Intesa Sanpaolo Grupe-bez naknade

-upit na stanje na bankomatima drugih banaka u iznosu od 1,00 KM po transakciji;

-prikupljanje podataka o adresi i posjedovanju imovine, protesti, tužbe i druge mjere prema neurednim dužnicima – u visini stvarnih troškova;

-naknada za obavještanje klijenta o neaktivnom računu jednaka je iznosu naknade za vođenje tekućeg računa;

-naknada za konverziju transakcija nastalih u inostranstvu – 1,00% od iznosa transakcije.

1.15.Za Ugovore sklopljene na teritoriji Federacije BH i Brčko Distrikta, sve naknade navedene u ovoj tački Ugovora su promjenjive i Banka ih može mijenjati na mjesečnom nivou. Ukoliko dođe do izmjene bančinih naknada, Banka će Vlasnika računa obavijestiti pismeno putem svojih distribucijskih kanala (web stranica Banke, poslovnice Banke itd.). Ukoliko Vlasnik računa ne prihvati izmjene naknada iz ove tačke Ugovora, u tom slučaju u obavezi je da u roku od 15 (petnaest) dana pismeno obavijesti Banku o svom neslaganju, nakon čega će u roku od 90 (devedeset) dana imati obavezu da izvrši ukupan povrat svih eventualnih preostalih dugovanja po ovom Ugovoru. Nakon 90 (devedeset) dana Banka ima pravo da otkáže ovaj Ugovor i proglasi dospjelim sva eventualna potraživanja prema Vlasniku računa/opunomoćenicima. Vlasnik računa u tom slučaju saglasan je da za iznos obračunate naknade Banka može teretiti tekući račun.

1.16.Za Ugovore sklopljene na teritoriji Republike Srpske, sve naknade navedene u ovoj tački Ugovora su fiksne. Ipak, Banka zadržava pravo promjene visine naknada na mjesečnoj osnovi, uz obavezu da Vlasnika računa obavijesti pismeno putem svojih distribucijskih kanala (web stranica Banke, poslovnice Banke itd.), najkasnije 15 (petnaest) dana prije predloženog dana početka njihove primjene. U slučaju da Vlasnik računa pismeno ne obavijesti Banku da nije saglasan sa prijedlogom izmjena i dopuna ugovora u navedenom roku od 15 (petnaest) dana, smatra se da je saglasan sa predloženim. Odnosno, ukoliko Vlasnik računa pismeno obavijesti Banku da nije saglasan sa izmjenama naknada, ima mogućnost da do stupanja na snagu istih, otkáže dalje automatsko produženje Ugovora. Ukoliko Vlasnik računa u predviđenom roku od 15 (petnaest) dana obavijesti Banku o neprihvatanju izmjene naknada iz ove tačke Ugovora, u tom slučaju u obavezi je da u roku od 90 (devedeset) dana izvrši ukupan povrat svih eventualnih preostalih dugovanja po ovom Ugovoru. Nakon 90 (devedeset) dana Banka ima pravo da otkáže ovaj Ugovor i proglasi dospjelim sva eventualna potraživanja prema Vlasniku računa/opunomoćenicima. Vlasnik računa u tom slučaju saglasan je da za iznos obračunate naknade Banka može teretiti njegov tekući račun otvoren u ovoj Banci.

1.17.Ukupan iznos troškova koje će Vlasnik računa platiti po dopuštenom redovnom prekoračenju, iznosi __ KM. Ukupan iznos koji će Vlasnik računa platiti po ovom Ugovoru je __ KM, uzevši u obzir puni iznos korištenja sredstava prekoračenja, na cjelokupan odobreni period korištenja uz efektivnu kamatnu stopu navedenu u tački 1.11. Za poslovnice Banke koje posluju na teritoriji Republike Srpske, Vlasnik računa će o ukupnoj sumi troškova i iznosu koji plaća po redovnom dopuštenom prekoračenju biti informisan kroz Otplatni plan efektivne kamatne stope, a koji je sastavni i neodvojivi dio Ugovora i koji se uručuje Vlasniku računa prilikom zaključivanja Ugovora o redovnom prekoračenju.

1.18.Ukupan iznos koji će Vlasnik računa platiti po dodatnom prekoračenju je __ KM, uzevši u obzir puni iznos korištenja sredstava prekoračenja, na cjelokupan odobreni period korištenja uz efektivnu

kamatnu stopu navedenu u tački 1.12. Po ugovorenom dodatnom prekoračenju, Vlasnik računa nema dodatnih troškova. Za poslovnice Banke koje posluju na teritoriji Republike Srpske, Vlasnik računa će o ukupnoj sumi koju plaća po dodatnom dopuštenom prekoračenju biti informisan kroz Otplatni plan efektivne kamatne stope, a koji je sastavni i neodvojivi dio Ugovora i koji se uručuje Vlasniku računa prilikom zaključivanja Ugovora o dodatnom prekoračenju.

1.19.Ugovaranje prekoračenja po tekućem računu ne zahtijeva obavezu korištenja notarskih usluga. Preduslov za ugovaranje prekoračenja po tekućem računu je otvoren tekući račun u Banci. Gašenje tekućeg računa u banci povlači i gašenje usluge prekoračenja po tekućem računu.

1.20.Ukoliko Vlasnik računa ne ispunjava svoje obaveze u skladu sa Ugovorom o prekoračenju po tekućem računu, Banka je dužna, u skladu sa pravilima propisanim Odlukom nadležne agencije o upravljanju kreditnim rizikom i utvrđivanju očekivanih kreditnih gubitaka, plasman klasifikovati u lošiju kategoriju kreditnog rizika. U lošiju kategoriju kreditnog rizika će biti klasifikovana cjelokupna izloženost koju Vlasnik računa ima u Banci. Klasifikacija u lošiju kategoriju kreditnog rizika može dovesti do potencijalne nemogućnosti daljnjeg zaduženja Vlasnika računa, blokade računa Vlasnika računa i njegovih kreditnih kartica, te naposljetku eventualno i pokretanja sudske postupka pred nadležnim sudom.

1.21. Vlasnik računa ima pravo u svakom trenutku otkazati korištenje usluge prekoračenja po tekućem računu. Gašenje usluge prekoračenja po tekućem računu se vrši na pismeni zahtjev Vlasnika računa, uz konačan obračun i pripis kamate od dana posljednjeg obračuna do dana gašenja usluge. Vlasnik računa je obavezan, prije gašenja usluge, izmiriti sve obaveze prema Banci koje su proistekle iz Ugovora o prekoračenju po tekućem računu.

1.22.Banka može otkazati ugovor ako Vlasnik računa:

-ne ispunjava svoje obaveze iz ovog Ugovora,

-ne podmiri dospijele obaveze u skladu sa rokovima dospijeća iz ugovora;

-prezentira Banci neistinitu i neispravnu dokumentaciju;

-ne obavijesti Banku pismenim putem o promjeni svoje adrese stanovanja, odnosno promjeni poslodavca kod kojeg je zaposlen ili gubitka posla, a neuredno izvršava svoje obaveze prema Banci u skladu sa ovim Ugovorom;

-ne pridržava se odredbi Opštih uslova poslovanja po tekućim, žiro i deviznim računima.

1.23.Banka otkazuje Ugovor pismenim putem uz otkazni rok od 15 (petnaest) dana računajući od dana dostavljanja obavijesti o otkazu Vlasniku računa. Vlasnik računa pristaje da se danom kada mu je dostavljena obavijest o otkazu smatra dan kada je Banka putem pošte uputila obavijest o otkazu na adresu iz Ugovora ili adresu koju je Vlasnik računa naknadno pismeno dostavio Banci, bez obzira da li se isti nalazi na predmetnoj adresi.

1.24.Banka će smatrati neaktivnim račun na kojem nije bilo aktivnosti deponovanja ili povlačenja sredstava sa računa, urađenih ili zadanih od strane vlasnika, zakonskog zastupnika i drugog ovlaštenog lica u periodu 12 mjeseci od dana zadnje aktivnosti. U tom slučaju Banka će najkasnije u roku od 15 dana prije dana proglašenja računa neaktivnim, obavijestiti Vlasnika računa da će se račun proglasiti neaktivnim, odnosno ugasiti, posljedicama koje nastaju i stanju na računu. Ukoliko Vlasnik računa ne aktivira račun u roku od 15 dana od dana dobivanja obavijesti, Banka će odmah ugasiti račun ako na njemu nema sredstava, a ako na računu ima sredstava, račun se proglašava neaktivnim i ostaje u tom statusu sve dok ima sredstava na istom. Neaktivni račun se aktivira radnjama Vlasnika računa ili po njegovom nalogu, koje imaju za posljedicu deponovanje ili povlačenje sredstava s računa. Zatvaranjem neaktivnog računa zatvaraju se i sve usluge vezane za neaktivni račun ukoliko iste postoje.

1.25.Vlasnik računa ima pravo da odustane od zaključenog Ugovora o prekoračenju po tekućem računu, bez navođenja razloga na odustanak, u roku od 14 (četnaest) dana od dana zaključenja ovog Ugovora, odnosno u kraćem roku ugovorenom za stavljanje sredstava na

raspolaganje na njegov izričit zahtjev, pod uslovom da nije počeo da koristi sredstva iz tačke 1.2. ovog Ugovora, ukoliko je Ugovor o prekoračenju zaključio na teritoriji Republike Srpske.

Ukoliko je Vlasnik računa, Ugovor o prekoračenju po tekućem računu zaključio na teritoriji Federacije BiH i Brčko distrikta BiH, Vlasnik računa ima pravo da odustane od zaključenog Ugovora o prekoračenju, bez navođenja razloga na odustanak, u roku od 14 (četnaest) dana od dana zaključenja ovog Ugovora, odnosno u kraćem roku ugovorenom za stavljanje sredstava na raspolaganje na njegov izričit zahtjev. Ukoliko Vlasnik računa odustane od zaključenog Ugovora dužan je odmah ili u roku od 30 (trideset) dana od dana dostavljanja obavijesti o odustanku od prekoračenja po tekućem računu, vratiti Banci glavicu i kamatu za sredstva koja je iskoristio u periodu korištenja prekoračenja po tekućem računu.

Vlasnik računa je dužan o svojoj namjeri odustanka od Ugovora obavijestiti Banku u pismenoj formi, pri čemu se datum prijema te obavijesti smatra datumom odustanka od Ugovora. U slučaju odustanka Vlasnika računa od zaključenog Ugovora, Banka ne naplaćuje naknadu za odustanak od Ugovora.

1.26. Vlasnik računa ima pravo na prijevremenu otplatu duga po Prekoračenju po tekućem računu. Banka ne naplaćuje naknadu za prijevremenu otplatu duga po Prekoračenju po tekućem računu.

1.27. Ako Vlasnik smatra da se Banka ne pridržava obaveza iz zaključenog ugovora, dobrih poslovnih običaja, ovog Ugovora, odredbi zakona i podzakonski propisa, može uputiti usmeni i/ili pisani prigovor neposredno, dostavljanjem poštom na adresu Banke ili elektronskim putem. Ukoliko podnosioc prigovora uputi usmeni prigovor, a nije

zadovoljan odgovorom Banke, podnosilac prigovora ima pravo na podnošenje prigovora u pisanoj formi i/ili elektronskim putem na e-mail adresu stanovnistvo@intesasanpaolobanka.ba.

Banka je dužna da sprovede postupak po podnjetom pisanom prigovoru i podnosiocu prigovora dostavi odgovor u roku od 30 (trideset) dana od dana kada je Banka zaprimila prigovor za ugovore sklopljene u organizacionom dijelu Banke koji posluje na teritoriji Federacije Bosne i Hercegovine, odnosno 15 (petnaest) dana za ugovore sklopljene u organizacionom dijelu Banke koji posluje na teritoriji Republike Srpske. U slučaju da Banka ne dostavi odgovor na prigovor u prethodno navedenim rokovima, odnosno ukoliko podnosilac prigovora nije zadovoljan odgovorom Banke na prigovor, podnosilac prigovora, koji je poslovni odnos sa Bankom zasnovao u organizacionom dijelu Banke koji posluje na teritoriji Federacije BiH, ima pravo u pisanoj formi obavijestiti Agenciju za bankarstvo Federacije Bosne i Hercegovine, sa sjedištem u Sarajevu, ulica Zmaja od Bosne 47b, da je nezadovoljan ishodom postupka po prigovoru koji je provela Banka ili uložiti Agenciji pisani prigovor na rad Banke u roku od 3 (tri) mjeseca od dana prijema odgovora ili isteka roka od 30 dana u kojem je Banka bila dužna odgovoriti na podneseni prigovor. Podnosilac prigovora, koji je poslovni odnos sa Bankom zasnovao u organizacionom dijelu Banke koji posluje na teritoriji Republike Srpske, može pismeno obavijesti Ombudsmana za bankarski sistem koji je uspostavljen u okviru Agencije za bankarstvo Republike Srpske na adresu Vladike Platona 1/A, da je nezadovoljan ishodom postupka po prigovoru i to u roku od 6 (šest) mjeseci od dana prijema odgovora Banke ili isteka roka od 15 (petnaest) dana, ako Banka nije dostavila odgovor klijentu, odnosno podnosiocu prigovora.

U skladu sa Zakonom o zaštiti potrošača BiH, ukoliko podnosilac prigovora nije zadovoljan odgovorom Banke na prigovor, bez obzira na mjesto zaključenja Ugovora oprekoračenju, može uložiti prigovor Ombudsmanu za zaštitu potrošača sa sjedištem u Mostaru, ulica Kneza Domagoja bb.

Vlasnik ima i mogućnost pokrenuti postupak posredovanja radi vansudskog rješavanja spornog odnosa.

1.28. ZAŠTITA LIČNIH PODATAKA

Intesa Sanpaolo Banka d.d. Bosna i Hercegovina, Milana Preloga 12A, 71000 Sarajevo, Bosna i Hercegovina, JIB 4200720670007 (u daljem tekstu: Banka) kao kontrolor podataka posluje u skladu sa odredbama Zakona o zaštiti ličnih podataka BiH (u daljem tekstu: Zakon). Pri prikupljanju ličnih podataka svojih klijenata, bilo da su prikupljeni od klijenta u trenutku njihovog prikupljanja bilo da su prikupljeni iz nekog drugog izvora, Banka pruža informacije u skladu sa članovima 15. i 16. Zakona, kao što su npr. informacije o Banci kao kontroloru podataka, svrhama i pravnom osnovu obrade ličnih podataka, kategorijama podataka koji se prikupljaju (npr. lični podaci potrebni za uspostavu poslovnog odnosa u skladu sa Zakonom o sprječavanju pranja novca i finansiranja terorističkih aktivnosti, te ostali podaci potrebni za izvršenje pojedinog ugovora ili kako bi se poduzele radnje prije sklapanja ugovora ili ispunjavanja nekih drugih zakonskih obveza, legitimnih interesa Banke kao kontrolora podataka ili treće strane), periodu čuvanja podataka, primateljima podataka, izvoru podatka kao i o pravima u vezi zaštite ličnih podataka (npr.: pravo na pristup podacima, pravo na brisanje, prigovor i dr.). Kontaktni podaci službenika za zaštitu podataka: sluzbenikzastitupodataka@intesasanpaolobanka.ba ili Intesa Sanpaolo Banka d.d. Bosna i Hercegovina, Službenik za zaštitu ličnih podataka, Milana Preloga 12A, 71000 Sarajevo.

Potpisom ovog Ugovora Vlasnik računa/opunomoćenik/zakonski zastupnik potvrđuju da ih je Banka kao kontrolor podataka u skladu sa članovima 15. i 16. Zakona prilikom prikupljanja ličnih podataka informisala o načinu obrade i zaštite ličnih podataka, putem dokumenta Informacija o obradi ličnih podataka Intesa Sanpaolo Banke d.d. BiH (u skladu sa članovima 15. i 16. Zakona o zaštiti ličnih podataka BiH), te da su upoznati/e da im je navedeni dokument dostupan na www.intesasanpaolobanka.ba, te u poslovnim prostorijama banke na zahtjev.

BANKARSKA TAJNA

Vlasnik računa/opunomoćenih/zakonski zastupnik po računu potvrđuju da su upoznati da su Zakonom o bankama propisani određeni izuzeci od obveze čuvanja bankarske tajne, odnosno da je Banka obvezna u određenim propisanim slučajevima otkriti trećim osobama povjerljive podatke vezano na njihov poslovni odnos sa Bankom (npr. sudovima, nadzornim tijelima, kao i u drugim slučajevima propisanim članom 104. Zakona o bankama FBiH i Odlukom Agencije za bankarstvo Federacije Bosne i Hercegovine o izuzecima od čuvanja bankarske tajne, odnosno članom 128. Zakona o bankama Republike Srpske. Upoznati/e su da se, osim u slučajevima koji su izričito propisom navedeni kao izuzetak od obveze čuvanja bankarske tajne, određeni podaci mogu saopćiti drugoj fizičkoj ili pravnoj osobi uz saglasnost klijenta ili koji su nužni u svrhu izvršenja ugovornog odnosa sa Bankom kao što su, npr.: ugovorni odnos koji je vezan uz poslovnu saradnju Banke i/ili klijenta i/ili treće osobe i/ili ugovorna suradnja sa poslodavcem klijenta i/ili kod izvršenja direktnih terećenja i trajnih naloga, administrativnih zabrana i/ili radi ostvarenja određenih pogodnosti temeljem zaposlenja klijenta i/ili ostvarenja legitimnih interesa Banke ili klijenta i/ili nekih drugih poslovnih saradnji između Banke i/ili klijenta i/ili treće osobe. Primatelji podataka, ovisno o vrsti ugovora i pravnog posla mogu biti primatelji plaćanja kod izvršenja direktnih terećenja i trajnih naloga, poslodavci (ako je klijentov ugovor vezan uz pripadnost poslodavcu ili kod plaćanja putem administrativne zabrane), članicama Grupe Intesa Sanpaolo i Grupe Privredna banka Zagreb kojoj Banka pripada u zemlji i inozemstvu (upravljanje rizicima, legitimni interesi).

Pri tome Banka osigurava da su podaci tačni, potpuni i ažurni, s tim da klijent ima pravo uvida u svoje podatke koji se razmjenjuju, da se podaci neće razmjenjivati u obimu većem nego što je potrebno za tačnu određenu svrhu, da se neće čuvati duže nego što je potrebno za svrhu u koju se podaci dostavljaju.

Također su upoznati da se kod davanja saglasnosti radi o dobrovoljnoj saglasnosti, te da ako uskrate davanje saglasnost u određenim

slučajevima, ovisno o ugovornom odnosu i nužnosti potrebnog podatka za ugovorni odnos, Banka podatke neće moći razmijeniti sa određenim primateljima/korisnicima podataka, što će u određenim slučajevima imati za posljedicu nemogućnost izvršenja određenog ugovora u cijelosti ili u ograničenom obimu, o čemu će ih Banka prethodno obavijestiti.

1.29.Vlasnik računa ima pravo da dobije besplatnu kopiju nacrtu Ugovora o prekoračenju po tekućem računu, radi razmatranja istog izvan prostorija Banke. U slučaju preuzimanja besplatne kopije nacrtu ugovora, klijent je dužan da u roku od 3 (tri) dana obavijesti Banku o svojoj namjeri zaključenja Ugovora.

Banka neće izdati besplatnu kopiju nacrtu ugovora ako u vrijeme podnošenja zahtjeva za otvaranje računa ocijeni da ne želi zasnovati odnos sa Vlasnikom računa u konkretnom pravnom poslu.

Banku obavezuju podaci iz Informativnog lista do

Mjesto:

Datum sastavljanja Informativnog lista:

(potpis ovlaštenog lica i pečat Banke)

(potpis Vlasnika računa)